

Literatura Karibe

Kreadornan literario i organisashonnan kultural di e parti karibense di Reino por hasi petishon awor pa un supsidio pa nan plannan literario. E meta di e areglo di supsidio ta pa hasi e kuantanan original, poesia i presentashonnan literario di i riba e islanan ampliamente lesá i skuchá. En partikular e fondo ke oumentá e oferta di literatura na Papiamento i Papiamentu. Bo por entregá bo petishon na kualke momento.

Pa ken

Kreadornan literario i organisashonnan ku ta establese na Aruba, Boneiru, Kòrsou, Saba, Sint Eustatius i Sint Maarten.

Kuantu

Kreadornan literario: máksimo di € 25.000 / Organisashonnan: máksimo di € 50.000

Pa kiko

Proyektonan literario, desaroyo di talento i aktividatnan literario

Montante máksimo di supsidio

€ 350.000

Último fecha

18 di ougùstùs (15.00 CEST) i 6 di òktober (23.59 CEST)

Ken ta bini na remarke?

Bo por entregá un petishon pa e areglo akí si bo ta establese den e parti karibense di Reino i:

- bo ta aktivo komo outor*, poeta (di presentashon), traduktor literario, ilustrador, artista di arte di palabra, artista di slam òf outor dramátiko
- komo organisashon bo ta organisá aktividatnan literario, manera un festival òf eventonan pa promoshon di lesamentu
- komo organisashon bo ta publiká obra literario, den forma di buki, òf den un proyekto, manera un obra di teatro òf podcast
- komo organisashon bo ta yuda desaroyá talento dor di duna guia den skirbimentu, tradukshon, redakshon (final) òf presentashonnan riba tarima

*ku tin un profeshon òf tin e ambishon di tin un profeshon den kreashon òf tradukshon di literatura

Pa kiko?

E supsidio ta destiná pa diferente inisiativanan riba tereno di literatura den tur género: novela literario, kuantanan, kolekshonnan di poesia, arte di palabra, tekstonan di arte dramátiko, nofikshon literario, literatura pa mucha i literatura hubenil. Riba papel, tarima òf den forma digital.

E fondo ta distinguí tres kategoria:

1. Kreashon di obranan literario nobo

Por trata aki di un beka pa trabou/ honorario pa skirbi un teksto literario nobo. Òf pa e gastunan di tradukshon di un teksto literario eksistente pa òf for di papiamentu, tambe si ta trata di edishonnan multilingual. Bo por hasi petishon tambe pa gastunan di redakshon/guia, pa produkshon (diseño, ilustrashon, impreshon), alkanse públiko/presentashon i distribushon. I e gastunan di produkshon di proyektonan literario interdisiplinario òf multimedio.

2. Desaroyo di talento

Aki ta trata e desaroyo profeshonal di kreadornan literario. Por ehèmpel, pa organisashon diòf partisipashon na tayernan òf kursonan riba tereno di skirbimentu kreativo i tayernan di tradukshon literario. Esaki ta inklui tambe guia, mentorado, coaching, skol i trayektonan ku ta train e trainer. Ademas, bo por pidi supsidio pa un plan di investigashon den kual abo komo kreador literario ta investigá e posibilidatnan i e faktibilidat di bo ambishon literario. Por ehèmpel: e elaborashon di un idea pa un buki tantu riba un nivel di kontenido i artístiko, komo riba un nivel komersial: ken ta bai publik'é, ken ta hasi e redakshon, kiko ta e gastunan di publikashon. Por último, e gastunan di residensia òf gastunan di biahe por ta un parti modesto di un petishon pa supsidio.

3. Aktivitatnan literario

E supsidio ta pa organisashonnan ku ta ehekutá aktivitatnan públiko riba tereno di literatura. Por ehèmpel, organisá festivalnan, kompetensianan di skirbi, programanan literario online i offline, literatura den bario i eventonan 'open-mic'. Esaki por inklui aktivitatnan papromoshon di lesamentu ku ta tuma lugá tantu paden komo pafó di sala di skol, pa grandi i chikitu, manera den biblioteka. Un petishon por bai tokante un kategoria, pero tambe tokante diferente kategoria na mesun momentu.

Kuantu?

Kreadornan literario individual por pidi un supsidio máksimo di € 25.000, organisashonnan kultural por pidi un supsidio máksimo di € 50.000.

A base di kiko ta evaluá un petishon?

E konseheronan ta evaluá e petishonnan a base di e siguiente puntonan:

- Plan di proyekto
- Balor agregá di e proyekto pa e islanan
- Deskripshon di e petishonario
- Kalidat di redakshon/selekshon di obra/guia/kolaborashon
- E grupo di enfoke i aserkamentu di públiko
- Presupuesto (a base di e malchi di Letterenfonds. Esaki lo ta disponibel mas pronto

ku ta posibel)

Por haña un deskripshon di tur e kriterionan den e areglo Literatura Karibe bou di downloads.

Kon bo ta hasi petishon?

E fondo ta traha ku un formulario di petishon online. Paga tinu: bo no por warda e formulario miéntras ku e no ta yená kompletamente. Bo ta risibí un konfirmashon via e-

mail. E fondo ta trata solamente petishonnan kompletamente yená. Si bo petishon ta kompletu, e ta keda entregá na e konsehero(nan).

Tep: Papia ku un empleado tokante bo petishon pa bo ta sigur ku e ta kompletu. Pasobra un petishon inkompletu ta kousa tardansa. Tuma kontakto ku nos libremente! Bo por traha un sita via nos orario di konsulta digital, òf manda un e-mail òf un mensahe di WhatsApp na e personanan di kontakto na e parti abou di e página.

Orario di konsulta di Letterenfonds

Bo tin preguntanan spesífiko tokante bo petishon? I bo ke sa si bo ta bini na remarke? E ora ei bo ta bon biní na nos orario di konsulta online, kaminda bo por hasi tur bo preguntanan.

Reservá bo orario aki

Checklist pa e Petishon

Kontrolá si bo tin tur kos promé ku bo entregá bo petishon:

- **Plan di proyekto** (segun e Checklist plan di proyekto)
- **Presupuesto** (a base di **Malchi**)
- Pa kreadornan: **ehèmpel(nan) di obra anterior** (PDF)
- Pa organisashonnan: inskripshon na Kámara di Komèrsio
- **Di dos petishon?** Si bo a yega di risibí supsidio den Literatura Karibe, e ora ei sòru pa bo proyekto anterior ta finalisá i añaadí un rapòrt na e petishon

Downloads

[Download Kiko mester tin den mi plan di proyekto?](#)

[Download Areglo literatura Karibe](#)